

Resumo das medidas de prevención na reapertura dos centros educativos para a actividade lectiva e académica durante o curso

2019- 2020

As medidas a tomar polos usuarios do centro serán todas as contidas na Resolución, do 22-05-2020, da Consellería de Educación, Universidade e Formación Profesional pola que se reinicia a actividade lectiva presencial no curso 2019-2020, se determinan as instrucións para o que resta do presente curso e se adoptan medidas de prevención e hixiene para a reapertura parcial nos centros de ensino non universitario dependentes da consellería e se resumen e concretan para o noso centro nas seguintes recomendacións:

ALUMNADO

1.-NON poden acudir ao centro:

Os/as estudantes con síntomas compatibles co COVID-19 o diagnosticados de COVID-19, o que se atopen en período de corentena domiciliaria por ter tido contacto con algunha persoa con síntomas o diagnosticado de COVID-19.

As familias vixiarán o estado de saúde e realizarán toma de temperatura todos os días antes de saír da casa para ir ao centro educativo. Se o alumno/a tivera febre ou síntomas compatibles con COVID-19 non deberá asistir ao centro debendo chamar ao seu centro de saúde ou ao teléfono 900 400 116 e avisando simultaneamente ao centro educativo.

-Dado que a incorporación é voluntaria, o alumnado que presenta condicións de saúde que os fai máis vulnerables para COVID-19 (como, por exemplo, enfermidades cardiovasculares, diabetes, enfermidades pulmonares crónicas, cancro, inmunodepresión ou hipertensión arterial), poderá acudir ao centro, sempre que a súa condición clínica estea controlada e o permita, e mantendo medidas de protección de xeito rigoroso.

-Recomendase evitar as aglomeracións.

-As familias solo poderán entrar ao edificio escolar no caso de necesidade ou indicación do profesorado ou do equipo directivo, cumprindo sempre as medidas de prevención e hixiene.

2.-Medidas de hixiene no centro educativo:

Dispensadores de xel hidro alcohólico:

-Existen dispensadores fixos na entrada do centro (en conserxería), á entrada da sala de profesorado e á entrada dos baños de alumnos/as.

-Existen dispensadores de man na mesa do/a profesor/a das aulas que se van usar.

Panos desbotables:

-Existen panos na mesa do profesor/a das aulas que se van usar. O profesorado avisará ao persoal de dirección, conxersería ou limpeza cando os panos se estén esgotando para proceder á súa reposición.

Uso do xel hidro alcohólico:

-Todos/as os/as usuarios/as desinfectarán as mans á entrada e a saída do centro e cada vez que entren ou saian da aula. Debe terse en conta que cando as mans teñen sucidade visible o xel hidroalcohólico non é abondo, e é preciso usar auga e xabón.

-En todos os baños do centro hai dispensadores de xabón e papel desbotable para o secado de mans, ou ,no seu defecto, xel hidro alcohólico, debendo o alumnado e profesorado lavarse coidadosamente as mans cada vez que faga uso do aseo (antes e despois do seu uso).

-Os usuarios/as realizarán unha limpeza e desinfección dos postos de traballo en cada cambio de aula con especial atención ao mobiliario ou outros elementos susceptibles de manipulación, sobre todo naqueles utilizados por máis dun usuario (ordenador, rato, teclado, monitor, etc.) con independencia dos traballos efectuados con carácter previo polo persoal de limpeza. Esta limpeza se realizará cun pano e xel hidro alcohólico ou unha solución desinfectante.

- As medidas de limpeza estenderanse tamén, no seu caso, ás zonas privadas dos traballadores e usuarios, tales como vestiarios e taquilleiros.

-Os panos desbotables que o persoal e o alumnado empregue o secado de mans o para o cumprimento da "etiqueta respiratoria" serán desbotados en papeleiras con bolsa ou contedores protexidos con tapa e, de ser posible, accionados por pedal, que se colocarán nas aulas.

-Todo material de hixiene persoal (máscaras, luvas de látex, etc.) deben depositarse na fracción resto (agrupación de residuos de orixe doméstica que se obtén una vez efectuadas as recollidas separadas), noutras papeleiras que se colocarán.

Medidas xerais sobre distancias de seguridade:

-No exterior do centro hai dúas zonas delimitadas, para a entrada e a saída, para garantir a distancia de seguridade.

-No interior do centro debe respetarse, na medida do posible, a distancia de seguridade de 2 metros.

-Nas escaleiras e corredores o/as usuario/as manteranse á súa dereita para subir e baixar ou circular, evitando tocar a paredes e pasamáns.

-Cada aula está distribuída de forma que se garante a distancia mínima de dous metros entre o alumnado e tamén para o profesorado.

- Os postos de alumnos/as e profesores/as tamén están afastados de paredes e fiestras, para evitar que se toquen e por tanto que se podan contaminar accidentalmente.
- Nas dúas salas de profesores e na biblioteca están sinalados cunha marca verde os postos que se poden usar para garantir a distancia mínima de dous metros.
- É importante, por razóns de seguridade evidentes, que se respeten os lugares asignados para cada grupo nos novos horarios.
- Todos os lugares usados desinfectaranse diariamente, polo que é importante que non se deixen papeles nin materiais enriba das mesas que dificulten este labor.
- O desprazamento de grupos de estudantes polo centro reducirase ao mínimo, facilitando, na medida do posible, que o/as profesore/as acudan á aula de referencia.
- Organizaranse as saídas e entradas das aulas e outros espazos con distancia interpersoais de 2 metros e escalonada.

Medidas específicas de protección individual

- Tendo en conta a imposibilidade de manter a distancia nos movementos de entrada e saída e nos de circulación polo centro, o alumnado e profesorado teñen a **obriga de usar máscaras** nos movementos que discorran polo centro.
- Nas aulas poderase prescindir do uso obrigatorio de máscara atendendo a que existen distancias de seguridade que resultan inalterables. Se isto non fose posible, deberase usar máscara.
- É importante a de hixiene de mans e evitar tocar a faciana e os ollos.
- O alumnado non compartirá material** de uso propio con ningún do/as seus compañeiro/as.
- Os equipos de traballo (ordenador, monitor, teclado, rato, mesa, teléfonos ou material de oficina) deberán ser usados só pola persoa profesor/a titular do posto e, de non ser posible, desinfectaranse adecuadamente antes de ser empregados por outra persoa. As ventás, portas, persianas, contras, dispositivos de funcionamento da iluminación, os proxectores, e restantes ferramentas pedagóxicas serán unicamente usadas polo profesorado, coas medidas de seguridade e hixiene que procedan (só se tocarán unha vez desinfectadas as mans).
- Evitárase o desprazamento do alumnado da aula aínda que si se permitirá levantarse para realizar pequenos estiramientos ou exercicios posturais que non implique moverse do posto de traballo nos casos nos que a sesión lectiva supere unha hora.
- Con carácter xeral, o alumnado debe permanecer no seu sitio durante os cambios de clase. **No caso de ter que trasladarse a outra aula, o profesor anterior finalizará a súa clase 5 minutos antes** de xeito que poida organizar a saída ordenada e paulatina do alumnado.

-A saída será ordenada e continua, dun en un, deixando a distancia de seguridade. Agardarán polo profesor á entrada da nova aula en ringleira de un gardando a distancia de seguridade.

-Se houbera outro grupo na nova aula; agardarase a que saia por completo o grupo anterior antes de entrar. Entrarase gardando a distancia evitando que se formen agrupacións de alumnado durante a espera, ventilarase a aula e o grupo entrante desinfectará pupitres ou mesas e cadeiras.

Aula de informática, laboratorio e aulas similares

-Sen prexuízo da aplicación das normas dos puntos anteriores, no caso de aulas de desdobre, talleres, laboratorios, aulas de música, debuxo ou informática extremaranse os protocolos de limpeza por tratarse de aulas de uso máis compartido.

-O material que sexa compartido, de acordo coa metodoloxía propia de cada materia debe de ser desinfectado ao inicio da actividade e unha vez terminada a clase. Implicarase ao alumnado na concienciación social que ten a limpeza dos elementos comúns de uso privativo.

-No centro, a única aula de informática habilitada polo momento é a aula 10, onde se garantizan 4 postos para manter a distancia de seguridade.

-A biblioteca terá un aforo limitado de 4 lectores e 2 usuarios de ordenadores, que están debidamente sinalados.

- O uso da biblioteca estará restrinxido e respetará as normas que se publicarán nos vindeiros días.

- Para garantir a seguridade de todo o persoal, a porta de Administración permanecerá pechada; as fotocopias se enviarán á fotocopidora de administración ou de conserxería e serán as administrativas ou os conserxes os/as que as entreguen.

Medidas específicas no uso dos aseos

-O uso dos aseos estará limitado a unha simultaneidade non superior a un terzo do seu aforo. O alumnado deberá hixienizar as mans á entrada e á saída do mesmo.